

## ZGRADA INSTITUCIJA BiH

Zgrada institucija Bosne i Hercegovine u kojoj je smještena Parlamentarna skupština jedna je od najljepših u našoj zemlji. Otvorena je 1980. godine a njena površina je oko 25.000 kvadratnih metara. Velika je, znači, kao pet nogometnih igrališta.

U njoj se nalaze brojni uredi, sale i druge prostorije za rad. Od nekoliko sala izdvaja se Velika dvorana, u kojoj može raditi više od 500 ljudi. Osim za one koji odlučuju, u njoj su mjesta i za posjetioce i novinare.

42 poslanika

## PARLAMENTARNA SKUPŠTINA

Parlamentarna skupština Bosne i Hercegovine je najviši organ vlasti u ovoj zemlji. Ne zato što je to najveća državna zgrada nego zato što u njoj sjede i odlučuju najviši izabrani predstavnici naroda i građana Bosne i Hercegovine, predstavnici odraslih i mladih, starijih i djece, učenika, studenata, radnika i penzionera...

Oni donose zakone i odluke kojima određuju kako ćemo živjeti, raditi, učiti, pa i voziti automobile, čuvati vodu i šume, i, općenito, kako naše društvo treba funkcionirati poštujući pravila koja važe za sve.

## JEDNA KUĆA A DVA DOMA

Parlamentarnu skupštinu Bosne i Hercegovine čine dva doma - Dom naroda i Predstavnički dom.

**ДОМ НАРОДА** чини 15 делегата, од који су 10 (Бошњаци и Хрвати) из Федерације БиХ а пет (Срби) из Републике Српске. Делегате из Федерације БиХ номинује Дом народа Парламента Федерације БиХ, док делегате из Републике Српске номинује Народна скупштина Републике Српске.

**ПРЕДСТАВНИЧКИ ДОМ** чине 42 посланика, од којих се двије трећине бирају на подручју Федерације БиХ а једна трећина на подручју Републике Српске. Њих на општим изборима бирају грађани Босне и Херцеговине тако што гласају за политичке партије или независне кандидате.

15 делегата



## OTVORENI PARLAMENT

Parlamentarnu skupštinu često posjećuju gosti. Projekt "Otvoreni parlament" je za samo jednu godinu omogućio da njezine prostore posjeti oko 2000 đaka, studenata ali i starijih građana iz preko 40 različitih gradova i mjesta u Bosni i Hercegovini. Oni su mogli vidjeti zgradu institucija BiH, upoznati se sa radom Parlamenta i razgovarati s onima koji u njemu zastupaju narode i građane Bosne i Hercegovine.

Također, gosti su sudjelovali u snimanju više desetina emisija "Otvoreni parlament" koje su emitirane na programima RTVBiH i Radija "Slobodna Europa".



## КАКО СЕ ДОНОСЕ ЗАКОНИ?

О сваком закону или одлуци морају расправљати оба парламентарна дома и они се сматрају усвојеним када их усвоје и Представнички дом и Дом народа. Али, прије него што о њима донесу одлуку сви посланици и делегати, о текстовима закона расправљају парламентарне комисије.

У овој фази је такође могуће да јавност и грађанске организације изнесу своје мишљење пред парламентом.

Након усвајања, закони се шаљу на објављивање у "Службени гласник БиХ" како би их могли прочитати сви грађани којима су ти закони потребни, те их и примјењивати.

### Parlamentarna skupština BiH

Publikacija br. 35

Sarajevo 2006.

### Kontakt:

tel. 033 / 28 44 41,

tel/fax 033 / 28 44 47

Izdavanje pomogla Misija OSCE-a u BiH



# OTVORENI PARLAMENT

